

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- ब्रिक्स मुल्खें दे नेताएं पहलगाम आतंकी हमले दी सख्त निंदेआ करदे होई आतंकवाद खलाफ लड़ाई दी वचनबद्धता गी फही पक्का कीता ऐ। प्रधानमंत्री नरेन्द्र मोदी होरें आतंकवाद गी बिंद बर्दाश्त नेई करने ते इसी चलाने आहलें खलाफ बंदिशां लाने दी आह्वान कीता।
- जम्मू-कश्मीर राश्ट्री सैलसफा सचिवें दे सम्मेलन दी मेजबानी करोग। केन्द्री सैलसफा मंत्री ते राज्यें ते केन्द्र शासित प्रदेशें दे सैलसफा प्रमुख एह्दे च हिस्सा लैडन।
- केन्द्री मंत्री पीयूष गोयल होरें आखेआ ऐ जे ओह् जम्मू-कश्मीर दे दस्तकारी ते हत्थखड्डी उत्पादें पर जीएसटी गी घट्ट करने दी सफारश करडन।
- जम्मू दे भगवती नगर आधार शिविर थमां 8 ज्हार 605 श्रद्धालुएं दा इक होर जत्था श्री अमरनाथ जी दी यात्रा लेई अज्ज कश्मीर घाटी लेई रवाना होआ।
- शुभमन गिल दी अगुवाई आहली भारती टीमै, एजबेस्टन च दुए टेस्ट मैच च इंग्लैंड गी हराइयै इतिहास रची दित्ता ऐ। 5 टेस्ट मैचें दी श्रृंखला हुन 1-1 दी बरोबर पर आई गई ऐ।

<><><><><><>

BRICS-Pahalgam

ब्राजील दे रियो डी. जनेरियो च आयोजत ब्रिक्स मुल्खें दे शिखर सम्मेलन छे घोशण पत्र च 22 अप्रैल गी पीलगाम च होए दे वैशियाना आतंकी हमले दी सख्त निंदेया कीती ऐ जेह्दे च 26 लोकें दी आतंकवादिएं हत्या करी दित्ती ही। ब्रिक्स नेताएं बन्ने पार आतंकवाद फैलाने, आतंकवाद गी संरक्षण देने ते आतंकी गतिविधिएं लेई रपेया-पैहा उपलब्ध कराने आलें खलाफ सख्त कारवाई सनें आतंकवाद कन्नै पूरी तगड़ेयाई कन्नै निबड़ने दा धेइयै पक्का कीता।

प्रधानमंत्री नरेन्द्र मोदी होर शिखर सम्मेलन दे शांति ते सुरक्षा इजलास गी संबोधत करदे होई आखेआ जे पहलगाम आतंकी हमला भारत दी आत्मा ते शान पर हमला ऐ। उनें तोर देइयै आखेआ जे आतंकवाद गी दना बर्दाश्त नेई कीता जाना लोड़चदा ते आतंकवाद गी असरदार, संरक्षण ते समर्थन देने आले पर सख्ती नै रोक लानी लोड़चदी।

<><><><><><>

Tourism

जम्मू कश्मीर दे सैलसफा आले नक्शे पर इक होर महत्वपूर्ण ते यादगार मौका जुड़ने जा'रदा ऐ की जे अज्ज इत्थें पैहली बारी राष्ट्रीय सैलसफा सचिवें दा दऊं दिनें दा सम्मेलन शुरू होआ दा ऐ। श्रीनगर दे शेर-ए-कश्मीर अंतराष्ट्रीय कन्वेंशन सेंटर च लग्गने आले इस सम्मेलन च बक्ख-बक्ख राज्यें ते केन्द्र शासत प्रदेशें थमां सैलसफा विभागें दे अध्यक्षें ते सैलसफा क्षेत्र दे केई दिग्गजें दे अलावा केन्द्री सैलसफा मंत्री बी हिस्सा लै'रदे न। इस सम्मेलन च जिनें महत्वपूर्ण विषयें ते क्षेत्रें बारे बचार बंटादरा कीता जाग, उंदे च नीतियां तैआर करना, रासनूजी लाना, ढांचागत विकास ते फिल्म निर्माण ते फिल्में पर आधारित सैलसफा शामिल ऐ। एह सम्मेलन जम्मू कश्मीर लेई अपनी सैलसफा समर्थ ते सैलानी थाहरें गी उजागर करने दा इक शानदार मौका ऐ।

<><><><><><>

Goyal Handicraft

उद्योग ते बपार दे केन्द्री मंत्री पीयूष गोयल होरें श्रीनगर दे शेर कश्मीर अंतराष्ट्रीय कन्वेंशन सेंटर च बपारिण-कारोबारिण दे सम्मेलन – एफ.टी.आई.आई ट्रेडर्स कन्क्लेव 2025 गी संबोधित करदे होई जम्मू-कश्मीर दे दस्तकारिण सरबन्धी खेत्तर गी हर संभव मदाद दा भरोसा दोआया। मुकामी डगेलीशन आसेआ कीती गेदी गुजारिश दे चलदे मंत्री होरें जम्मू-कश्मीर दे दस्तकारी ते हथखड्डी उत्पादें पर जीएसटी घटाने दी सफारश करने दा वायदा कीता। गोयल होरें पैकेजिंग सरबन्धी भारती संस्थान – आई.आई.पी. दे सैहयोग कन्नै पैकेजिंग ते डिजाइन सरन्धी इक उत्कृष्टता केन्द्र लेई योजनाएं दा ऐलान बी कीता। जम्मू-कश्मीर दे जीआई टैग आहले उत्पादें दी आलमी सतह उप्पर बधदी मंग पर लोऽ पांदे होई पीयूष गोयल होरें वोकल फॉर लोकन दे धेइये गी दोरांदे होई आखेआ जे एह भारत दे आर्थिक विकास दा इक मुख्य हिस्सा ऐ। इस मौके पर बोलदे होई केन्द्री मंत्री पीयूष गोयल होरें आखेआ

<><><><><><>

Satish Traders Conclave

तोआई जम्मू-कश्मीर सरकार दे मंत्री सतीश शर्मा होरें बी श्रीनगर दे एसकेआईसीसी च आयोजित एफ.टी.आई. आई ट्रेडर्स कन्क्लेव च हिस्सा लैता। इस मौके पर बोलदे होई उ'नें आखेआ जे जम्मू-कश्मीर दे बपार ढांचे गी तगड़ा बनाने लेई डिजिटल सशक्तिकरण ते युवाएं दी अगुवाई च उद्यम-कारखानादारी बड़ी जरूरी ऐ। सतीश होरें इक आत्म-निर्भर अर्थबवस्था दे निर्माण लेई सूचना टेक्नोलाजी, उपभोक्ता कल्याण ते कौशल विकास ज्नेय खेत्तरें गी आपूं-चै जोड़ने दी जरूरतै पर जोर पाया। सूचना टेक्नोलाजी दे राहें सार्वजनिक बंडड ते उपभोक्ताएं सरबन्धी सेवाएं च होए दे आधुनिकरण उप्पर लोऽ पांदे होई मंत्री सतीश शर्मा होरें बन्ने आहले इलाकें च उद्यम-कारखानादारी मतल्लक सीगे ते डिजिटल कौशल आहले मंच कायम करने दी जरूरतै पर जोर पाया।

<><><><><><>

Dy CM Bus

दूर-दरेडे ग्रांऽ कलासरा दे लोकें दी ट्रांसपोर्ट सुविधा सरबन्धी इक चिरकी मंग उप्पर फौरी कार्रवाई करदे होई उपमुख्यमंत्री सुरिंदर चौधरी होरें जम्मू थमां सुंदरबनी बाजाबैनी आहले रस्तेया डड्डल कलासरा लेई बस सेवा गी कल झंडी दस्सियै शुरू करोआया। इस मौके पर बोलदे होई उपमुख्यमंत्री सुरिंदर चौधरी होरें आखेआ जे सरकार लोकें दिएं आसैं-तांगें गी पूरा करने ते उ'नेंगी संपर्क सरबन्धी बेह्तरीन सुविधां उपलब्ध करोआने लेई वचनबद्ध ऐ। चौधरी होरें खासतौर उप्पर बन्ने आहले ते दूर-दरेडे इलाकें च सार्वजनिक ट्रांसपोर्ट आहली इक टिकाउ प्रणाली स्थापित करने दी वचनबद्धता गी फही पक्का कीता ते आखेआ जे एहदे कन्नै सभ्मनें लोकें गी भरोसेमंद सरिस्ता हासल होग। उ'नें आखेआ

<><><><><><>

Amarnath Yatra

श्री अमरनाथ जी दी यात्रा पूरी चाल्ली रमानदारी ते बवस्था आले ढंगै सिर जारी ऐ। यात्रा शुरू होए दे कल चौथे रोज संजा तगर 21 ज्हार 512 श्रद्धालुएं पवित्र गुफा च मत्था टेकेआ जेहदे कन्नै गै 3 जुलाई गी शुरू होई दी इस यात्रा दे पैहले 4 दिने च दर्शनकरने आलें दी गिनतरी 70 ज्हार कोला उप्पर पुल्जी गई ऐ। ताई जम्मू थमां अज्ज बडलै मुंह न्हेरे 8 ज्हार 605 श्रद्धालुएं दा नमां जत्था घाटी लेई रवाना होआ।

लौहकिण-बडिडण कुल 372 गडिडण दे काफले च खाना होए दे इनें श्रद्धालुण च 6 जहार 486 मर्द, 1 जहार 826 महिलां, 42 न्याणें, 216 साधु ते 35 साधवियां शामिल न। इंदे चा 5 जहार 426 श्रद्धालु बालटाल ते 5 जहार 119 श्रद्धालु पहलगाम आले रस्तेया यात्रा करगन।

<><><><><><>

NCC Udh

युवा सशक्तिकरण ते राष्ट्र सेवा दी दिशा च गैह पुट्टदे होई नमीं खडेरी गेदी 6मीं जम्मू-कश्मीर एनसीसी बटालियन दे 600 शा मते कैडेटें गी उधमपुर दे जनरल जोरावर एनसीसी सिखलाई अकैडमी च सख्त सिखलाई दित्ती जा'रदी ऐ। साढ़े जिला संवाददाता अचिन दुबे दी रिपोर्ट मूजब, इस कैप दरान एनसीसी कैडेटें गी युद्ध सरबन्धी कौशल, थेहार चलाने, बक्ख-बक्ख महत्वपूर्ण तकनीकें ते जीवन रक्षक कौशल बारै जानकारी दित्ती जा'रदी ऐ। कमांडिंग अफसर कर्नल सुमित बाना होरें आखेआ ऐ जे एनसीसी नै आपरेशन सिंदूर दे दरान बड़ी महत्वै आहली भूमिका निभाई ते 250 शा मते कैडेटें उस बेल्ले रक्तदान कीता ते राहत सरबन्धी कम्में च बी हिस्सा लैता। उ'नें आखेआ

<><><><><><>

Cricket

भारत नै जंदी रातीं बर्मिंघम दे एजबेस्टन च एंडरसन-तेंदुलकर ट्रॉफी दे दुए क्रिकेट टेस्ट मैच च मेजबान इंग्लैंड गी 336 द्रौड़ें कन्नै हराइयै ऐतिहासिक जित्त दर्ज कीती। इस जित्त कन्नै सीरीज 1-1 कन्नै बरोबरी पर आई गई ऐ। इस मैदान पर एह भारत दी पैहली टेस्ट जित्त ऐ। 58एं ब'रें थमां भारत नै इस मैदान पर कदें बी कोई टेस्ट मैच नेई जित्तेआ हा। इस जित्त च आकाश दीप नै 10 विकेटां लेइयै अहम जोगदान दित्ता। मोहम्मद सिराज नै इस मैच च 7 विकेट लैते। कप्तान शुभमन गिल नै इस मैच च 430 द्रौड़ां बनाइयां। उ'नें पैहली पारी च 269 ते दुई पारी च 161 रन्ज बनाए। गिल गी प्लेयर ऑफ द मैच चुनेआ गेआ। बतौर कप्तान, शुभमन गिल नै एह पैहला टेस्ट मैच जित्तेआ ऐ। इक टेस्ट मैच च 430 रन्ज बनाइयै शुभमन गिल टेस्ट मैच दे इतिहास च सभ्मनें शा मते रन बनाने आहले दुए खड्गारी बनी गे न। भारत नै अपनी दुई पारी 6 विकेट पर 427 रन्ज बनाइयै घोषित कीती ही। इंग्लैंड दी टीम 608 रन्जें दे लक्ष्य दे जवाब च दुई पारी च 271 रन्जें पर ऑल आउट होई गई। दौनें टीमें मझाटै त्रिया टेस्ट मैच 10 जुलाई थमां लॉर्ड्स च खेड्ढेआ जाहग।

<><><><><><>